

თელავის მუნიციპალიტეტის საკრებულოს

საფინანსო-საბიუჯეტო კომისიის სხდომის

ოქმი N7

ქ. თელავი

18.07.2023 წელი

თავმჯდომარეობდა: ზურაბ ლილუაშვილი.

ესწრებოდნენ კომისიის წევრები: უჩა ჭოტიაშვილი; თამარ ხატიაშვილი; გიორგი ხაჭაპურიძე; გიორგი ქართლელიშვილი; გიგი გიგიტელაშვილი; რუსუდან იმერლიშვილი; იმედა კევლიშვილი.

სხდომას აგრეთვე ესწრებოდნენ: საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ქაიტაშვილი; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი - თედო ხოსროშვილი;

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

1. თელავის მუნიციპალიტეტის საკრებულოს 2022 წლის 28 დეკემბრის №22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე

მომხსენებელი - ზ. ლილუაშვილი  
თანამომხსენებელი - ნ. ვაყელიშვილი

მოისმინეს 1. თელავის მუნიციპალიტეტის საკრებულოს 2022 წლის 28 დეკემბრის N22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე.

აზრი გამოთქვეს: ზ. ლილუაშვილმა ისაუბრა ბიუჯეტში ცვლილებასთან დაკავშირებით. მან აღნიშნა, რომ ნორმატიული აქტის პროექტის მიხედვით, მთავარ საფინანსო დოკუმენტში ცვლილებების ძირითადი მოტივია სხვადასხვა ინფრასტრუქტურული ღონისძიებების დაფინანსებისთვის თანხების მობილიზებაში და საქართველოს მთავრობის 2023 წლის 17 მარტის N545 განკარგულებით „საჯარო ფინანსების მართვის 2018-2021 წლების სტრატეგიის ფარგლებში ზოგიერთი მუნიციპალიტეტის მიერ ფინანსების მართვის გაუმჯობესების ხელშეწყობის მიზნით, 2022 წელს განსაზღვრული ღონისძიებების შესრულებიდან გამომდინარე, ზოგიერთი

მუნიციპალიტეტის კაპიტალური გრანტის გამოყოფია „შესახებ“, გამოყოფილი თანხების ასახვაში,

კომისიის თავმჯდომარემ დამატებითი განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, ცვლილებების გათვალისწინებით, თელავის მუნიციპალიტეტის ბიუჯეტი განისაზღვრა 73849,32 ათასი ლარის ოდენობით.

მოხდეს ცვლილება ბიუჯეტის შემოსულობებში: გაიზარდოს გრანტის მუხლი, სხვა ტრანსფერები - 411,308 ათასი ლარით (საფუძველი საქართველოს მთავრობის 2023 წლის 17 მარტის N545 განკარგულება). განკარგულების შესაბამისად მოხდეს ცვლილებები გადასახდელებში, კერძოდ, გაიზარდოს გზების კაპიტალური შეკეთების (კოდი 02 01 01) არაფინანსური აქტივების ზრდის მუხლი 411,308 ათასი ლარით ქ. თელავში რამდენიმე ქუჩის რეაბილიტაციისა და მოასფალტებისთვის.

გზების კაპიტალური შეკეთების (კოდი 02 01 01), სრიგპ-ის ფარგლებში მუნიციპალიტეტში განსახორციელებელი ღონისძიებების (კოდი 02 06 03), სასაფლაოების მოვლა-პატრონობის (კოდი 02 07 01), გარემოს დაცვის ღონისძიებების (კოდი 03 02), კულტურის ობიექტების აღჭურვა, რეაბილიტაცია, მშენებლობის (კოდი 05 02 02) და ჯანდაცვის ხელშეწყობის ღონისძიებების (კოდი 06 01 02)-დან გამოთავისუფლებული თანხებით და წარმოქმნილი ეკონომიკის გათვალისწინებით, ჯამში 138,127 ათასი ლარის ოდენობით, გაიზარდოს მუნიციპალიტეტისთვის პრიორიტეტული პროექტების დაფინანსება.

ასევე სკოლამდელი განათლების დაწესებულებების რეაბილიტაცია, მშენებლობის (კოდი 04 02) პროგრამის დაფინანსების ფარგლებში, გამოთავისუფლებული თანხით განხორციელდება სოფელ წინანდალში N2 ბაგა-ბაღის გეოლოგიური დასკვნის შესყიდვა, შესაბამისი საპროექტო-სახარჯთაღრიცხვო დოკუმენტაციით;

კომისიის წევრების უმრავლესობამ მხარი დაუჭირა წარმოდგენილ ცვლილებას. წინააღმდეგი - იმედა კევლიშვილი. თავი შეიკავა რუსულან იმერლიშვილმა.

**გადაწყვიტეს:** ბიუჯეტის ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

საფინანსო-საბიუჯეტო  
კომისიის თავმჯდომარე

ნ. ლილუაშვილი